

四庫全書考證

十九

漢書門類		
六〇册	三四函	二四五〇號

內閣文庫		
元七函	二四五〇	漢書
二〇架	〇〇	類

內閣文庫		
番號	漢 2450	
冊數	60(19)	
函號	297	93



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




欽定四庫全書考證

卷三十 史部

續資治通鑑長編

武英殿聚珍版



欽定四庫全書考證

續資治通鑑長編 宋李燾撰

原表案李燾撰長編先後凡四次表進此乃乾道四年
進建隆至治平五朝事迹所上之表其餘三次原表
永樂大典內徧檢未得蓋已亡佚矣

卷一

太祖建隆元年春正月癸卯次諸橋諸將擁立太祖時
宰相早朝未退聞變范質下殿執王溥手曰倉卒遣
將吾輩之罪也案范質字城人初見開運元年宋史
作宗城人王溥榆次人初見乾祐二年宋史溥傳作



并州祁人

辛亥常山高懷德自寧江節度使馬步軍都指揮使為
義成節度使案宋史作江寧軍節度使侍衛親軍馬
軍都指揮使 又張光翰自虎捷左廂都指揮使嘉
州防禦使為寧江節度使案虎捷左廂宋史及宋史
記皆作虎捷右廂

二月乙亥范質加侍中右僕射王溥加司空樞密使魏
仁浦加右僕射樞密使吳廷祚加中書門下三品案
宋史作范質兼侍中王溥守司空魏仁浦為尚書右

僕射考宋制兼與為乃實授之詞守則資格未及而
暫加之詞今槩作加字誤又吳廷祚五代史作吳延
祚

三月己巳竇儼請改樂章十二順為十二安祭文宣王
武成王同用永安案武成王原本作武王成王今改
六月丁亥筠子守節以城降上赦其罪升軍州為團練
用守節為使案升軍州為團練資治通鑑作以為單

州團練使

辛卯以翰林學士承旨兵部尚書趙弘為中書侍郎兼

金匱要略卷三
兵部尚書平章事弘薊人也案宰相除拜必載於帝紀及宰相表今書中載趙弘平章事紀與表皆不載再考薛應旂王宗沐續通鑑亦不載疑宋史脫誤而二家因之也

九月己酉貶中書舍人懷戎趙行逢爲房州司戶參軍原本脫行字據宋史補入

十一月乙卯唐主景遣其子蔣國公從鎰戶部尚書馮延魯來買宴原本買宴作置宴據宋史改

卷二

建隆二年二月壬申命給事中劉載浚五丈渠原本壬申訛壬寅今改又渠宋史作河

八月甲辰義武節度使同平章事孫行友在鎮逾八年而狼山妖尼深意黨益盛案義武宋史及薛應旂續通鑑皆作易定

卷三

建隆三年正月丙子加曹元忠兼中書元忠子延敬爲瓜州防禦使案延敬宋史作延繼

六月己亥德音減京畿及河北諸州死罪以下囚旱故

也原本已亥訛已未據上下文干支改

十月辛丑以趙普為檢校太保充樞密使案山堂考索
作檢校太尉

卷四

乾德元年二月遣使往澶滑魏晉絳蒲孟等州開倉賑
貸案宋史魏下有衛字

六月乙未祕書郎梁周翰上言臣聞天地以來聖賢交
驚古今同流校其末年鮮克具美原本年訛篇今改
七月辛亥朔詔定州縣官當直人數案宋史作定州縣

所置雜職承符廳子等名數

卷五

乾德二年正月庚寅以李崇矩為檢校太尉案太尉宋
史宰相表作太保

庚子改清源軍為平海軍命陳洪進為節度使洪進多
厚斂于民二州之民甚苦之案二薛應旂續通鑑作
一州

二月甲寅杜韜等七人至自遼州上赦其罪案杜韜疑
即杜延韜脫去延字

五月辛巳宗正少卿趙礪坐贓決杖除籍爲民案宋史及薛應旂續通鑑無少字

十月甲戌命王全斌爲西川行營鳳州路都部署案宋史作西川行營前軍兵馬都部署 又寧江節度使劉光義爲歸州路副都部署案寧江宋史作江寧歸州路副都部署宋史作西川行營前軍兵馬都部署

卷六

乾德三年正月王全斌破蜀蜀主問左右計將安出有老將石奉頽者對曰東兵遠來勢不能久請聚兵堅守以敝之案石奉頽五代史作石頽續通鑑作石斌與此互異

卷七

乾德四年四月丁巳河南府進士李靄決杖配沙門島案靄宋史及續通鑑皆作藹

七月戊辰王全斌言西南夷首領兼霸州刺史董景等內附案景宋史及通鑑皆作暘

卷八

乾德五年二月戊戌民有詣闕訴長吏受率分錢者原

本率訛卒今改

四月戊寅給事中開封馬士元謁樞密副使沈義倫原
本開封訛開寫今改

十二月丙辰禁民不得輒以絀疎布帛鬻于市及塗粉
入藥原本塗粉訛途分今改

卷九

開寶元年春正月乙酉朔御乾元殿受朝原本乙酉訛
辛卯據宋史改

乙巳晉州言北漢任守恩等一百五十人來降案宋史
無守字

八月戊午又案鷗于北郊還幸飛龍院原本飛龍二字
互倒今改

戊辰以昭義節度使李繼勳為河東行營前軍都部署
案昭義宋史及宋史記續通鑑皆作昭化

九月辛卯馬峰至洞過河與李繼勳等遇何繼筠以先
鋒擊破之案洞過河朔記作洞鍋河宋史作洞温河

宋史記作洞渦河續通鑑作銅鍋河諸書各異
卷十



開寶二年二月丁卯以韓重贊為義武節度使洛陽祁

廷義副之案義武宋史作彰義祁廷義作郭延義

乙亥契丹使內侍韓知璠冊命北漢主為帝案璠遼史

作範

十二月乙酉丁德裕奏西川轉運使李鉉嘗醉酒言涉

指斥已亥責鉉為左贊善大夫案成都記載李鉉坐

與張延通寫金字經故責官與本傳不同今從國史

又左贊善宋史作右贊善 又奪右贊善大夫王昭

文兩任案王昭文宋史及續通鑑皆作王昭

卷十一

開寶三年正月辛酉詔諸州官吏察民有孝弟彰聞德

業純茂者滿五千戶聽舉一人案宋有德行純茂科

宋史及宋史記續通鑑皆作德行純茂此作德業純

茂誤

三月丙辰免殿中侍御史張顥官案殿中侍御史宋史

作殿中丞

九月己亥以潘美為賀州道行營兵馬都部署案賀州

宋史及宋史記皆同惟續通鑑作桂州與此異

卷十二

開寶四年正月南漢主遣右僕射蕭灌奉表乞降案灌與五代史同宋史作灌與此異

四月成都布衣羅居通喪親廬墓有芝草生甘露降守臣表其事于是以居通為延長縣主簿案延長縣宋史作延州

卷十三

開寶五年二月庚寅以端明殿學士兵部侍郎劉蘄古守本官參知政事案稽宋史帝紀及宰相表皆作黜

五月戊申發諸州兵士五萬人塞決河是月下詔曰朕以屢經決溢重困黎元每閱前書詳究經瀆案經瀆猶云經流宋史記改作溝瀆續通鑑改作涇瀆皆誤

卷十四

開寶六年四月壬寅命知制誥張澹權祇應翰林院事原本應訛廟今改

卷十五

開寶七年二月癸巳以權易使田仁朗權知慶州案宋史職官志有權場使此作易誤

秋七月江南人樊若冰舉進士不中第遂謀北歸案冰
宋史及續通鑑皆作水

十一月甲午曹彬等言敗江南兵數千人於新林塞案
林宋史及續通鑑皆作竹

卷十七

開寶九年二月辛巳上至西京見洛陽宮室壯麗甚悅
召知河南府右武衛上將軍焦繼勳面獎之原本脫
衛字據宋史職官志增

卷十八

太宗太平興國二年正月詔凡出茶州縣民輒留及賣
鬻計直千貫以上黥面茶園戶輒毀敗其叢株者計
所出茶論如法案茶株文獻通考作業樹

七月己亥幸白鶴橋臨金水河案鶴宋史作鵠

卷十九

太平興國三年正月己酉命翰林學士李昉等修太祖
實錄直學士院湯悅等修江表事迹原本作李昉等
修江表事迹據宋史李昉修太祖實錄湯悅修江表
事迹今改

卷二十一

太平興國五年三月癸巳潘美言自三交口巡撫至代州會敵十萬衆寇雁門案潘美傳嘗巡撫至代州旣秣馬蓐食而遼兵萬騎來寇與此稱十萬不同

閏三月甲寅上御講武殿覆試合格進士毗陵張觀宜黃樂史等四人皆以見任官舉進士上惜科第不與特授近藩掌書記案宋史張觀傳觀在江南登進士第歸宋爲彭城主簿太平興國初移興元府掾復舉進士不第調雞澤主簿求再試特授忠武掌書記其後以詣外偵事稱旨召拜監察御史充桂陽監史獻所業文賜進士及第與此詳畧互異

卷二十三

太平興國七年六月舒州懷寧縣有老僧詣萬歲山于古松下掘得黝石刻誌公記云吾觀四五朝後次丙子年三號二十一帝敬醮潛山九天司命真君社稷永安案宋史本紀作舒州上黝石有白文曰丙子年出趙號二十一帝無前後云云

閏十二月庚寅豐州刺史王承美與契丹戰破其萬餘

衆獲天德節度使韋太案韋宋史太宗本紀作蕭
辛亥契丹主明記卒尊蕭氏爲承天太后初蕭氏與樞
密使韓德讓通案讓王宗沐續資治通鑑作驤

卷二十七

雍熙三年三月田重進至飛狐命荆嗣破敵追奔五十
餘里抵倉頭而還拔小冶直谷二寨原本治訛治今
改

卷二十九

端拱元年閏五月殿中丞江陵夏侯嘉貞嘗爲洞庭賦
徐鉉見之曰木立虛之流也原本木訛本今改

卷三十一

淳化元年正月庚寅命左正言宋鎬右正言王世則使
交州以加恩制書賜其王黎桓也桓質陋而目眇原
本目訛因今改

冬十月乙巳錢若水鞫富民獄數日不決錄事詣若水
廳事詎之原本詣訛諧今改

卷三十三

淳化三年秋七月乙巳趙普卒上聞訃悲悼謂近臣曰

朕君臨以來每待以殊禮普亦傾竭自効原本傾訛
領今改

十一月己亥開封尹許王元僖薨人有言元僖爲嬖妾
所惑專恣捶僕妾有至死者又及其宮中私事上怒
但以一品鹵簿葬焉原本僕訛樸又脫簿字今改增

卷三十四

淳化四年九月乙巳泰寧節度使張永德爲并代都部
署有小校犯法永德笞之至死原本笞訛笞今改

卷三十五

淳化五年四月丙戌張佖言伏觀聖朝編年謂之日歷
維紀報狀略叙敕文汗簡無聞國經莫紀原本莫訛

昌今改

卷三十六

淳熙五年五月甲寅王繼恩遣曹習破賊萬餘衆遂克
閬州原本脫州字今補

己巳以張雍爲給事中知梓州李順亂西川雍與盧斌
登堞望之賊兵皆老弱斌請擊之雍曰不可言未畢
果有卒倚賊樓呼嘯與賊相應原本畢訛必果訛若

六月乙亥李至以目疾辭吏職張必亦以早事偽邦不能通知本朝故實辭原本必訛必據宋史改

卷三十七

至道元年正月陳堯叟奏墾田上即遣皇甫選何亮馳傳案諸州案視原本馳訛馮今改

卷四十

至道二年秋七月陳靖上言逃民復業及浮客請田者委農官勘驗俟規畫既定四方游民必盡糜至原本案訛雍虞左傳改

卷四十一

至道四年正月辛卯張鑑上疏曰伏以關輔之民數年以來併有關役加以浦洛之行曾經剽劫原州之役又致遷延原本浦訛逋據宋史改

六月甲辰錢若水曰以爵祿之故而効忠于上中人以下者之所為也太宗然其言原本下訛上據宋史改

卷四十二

至道三年九月壬午孫何表獻五議其二申明太學曰定令之初綱條疎闊六館升降總限門蔭之高卑原

本門訛問今改

卷四十三

真宗咸平元年七月廣西轉運使陳堯叟上言臣所部諸州民除耕水田外地利之博者惟棘苧耳原本水下脫田字據宋史本傳補

十二月柳開疏言刑部不令詳斷別立審刑宣徽一司原本脫宣徽一司四字據宋史補

卷四十四

咸平二年二月癸亥朱台符上言陛下自天受命與物

更始授繼遷以節鉞加黎桓以王爵原本桓訛垣據

宋史本傳改

六月戊午何亮上安邊書清遠西北曰旱海原本旱訛

漢今改 又而獨使保言桀黠志在決戰能無敗乎

原本吉訛昌案宋史係趙吉今據改

卷四十五

咸平二年九月傅潛遣先鋒田紹斌石普等戍保州為

賊所困渡廉良河注本紀實錄俱稱良廉路紹斌傳

稱嚴涼河普傳稱炎涼城楊嗣傳亦稱廉良今從嗣

傳及本紀實錄案宋史石普傳亦稱廉良城注引炎涼誤

卷四十六

咸平三年正月甲申范廷召自中山分兵擊敵求援於高陽關都部署原本脫關字據宋史補

二月乙未張永德為彰德節度使出知天雄軍府原本雄訛雜據宋史改

三月甲午雷有終等復自漢州進軍列寨彌年賊黨來攻有終擊敗之遣其子奉禮郎孝若馳奏丙午對于

便殿孝若願改職自劾請補西頭供奉官案宋史雷有終傳與此互異

卷四十七

咸平三年十二月丙寅詔緣邊吏民斬敵首一級賞錢五千擒生者倍之案本紀此詔係丁卯與此互異

卷四十八

咸平四年正月乙亥上召西川轉運使馬亮入朝問川蜀事原本蜀訛屬今改

卷四十九

咸平四年十月丁未張齊賢上言朝廷於遷賊之恩可謂厚矣殊不知契丹其謀甚深署王爵以賜之遣戍使以鎮之夫西平之命亦虛名也契丹命之有何須哉案遼史繼遷受封在太宗至道三年三月與此小異

卷五十一

咸平五年四月辛未詔陝西民輓送緣邊芻糧者賜田租之半案宋史本紀此詔係壬申日此載辛未下疑有脫訛

卷五十六

景德元年四月壬午詔北面諸州休役兵賜衣服緡錢有差以歲旱大熟故也原本熟訛熟考真宗本紀是月丁卯以隆暑休北邊役兵應卽此事但此係之壬午日與史稍異

卷六十五

景德四年二月辛巳以唐白居易孫利用爲河南助教常令修奉墳塋坐影堂原本常訛尚今改

卷六十八

大中祥符元年正月戊辰改左承天門爲左承天祥符
門擢護門親從官徐榮爲十將案徐宋史作塗

二月己卯兗州進士孔謂等八百四十六人伏闕下請
封禪案己卯宋史作丁卯與此異

卷六十九

大中祥符元年五月壬戌有司詳定東封儀注爲石檢
以攄礮皆長三尺闊一尺原本一尺訛一寸 又其
當封處刻深二寸原本脫深字 又距四隅皆闊二
尺厚一尺長一丈原本一丈訛一尺並據宋史禮志
改

癸未以王旦爲天書儀仗使案仗宋史作衛

七月庚申有司言五方帝日月神州共用羊豕二十二
其從祀七百三十二位仍用前數分充案三十二宋
史作三十七與此互異

卷七十五

大中祥符四年二月乙丑御詔駐蹕宣恩樓觀醮原本
脫駐字今從別本增

庚午召見華山隱士鄭隱賜號貞晦先生隱居華山之

王力巖案華嶽志無王力巖據雍勝略王刁三洞在
華山東寶谷中仙人王遙刁自然登仙處有上中下
三洞云

三月甲子寧王元偓爲成德安國節度使進封相王原
本相訛襄考真宗本紀及此書八月壬寅增給諸王
府公用錢相王舒王歲萬三千貫則當從本紀作相
爲是今據改

卷七十六

大中祥符四年六月壬午進封韓國長公主爲衛國原
本衛訛韓據宋史改

卷七十九

大中祥符五年十一月乙卯詔商旅自京便錢至諸
者案太祖開寶三年置便錢務許三八於左被給以
券於諸州便換此條當云自京實便錢券至諸州原
書脫訛

卷八十九

天禧元年二月辛巳上作三惑論三惑歌原本脫三惑
論三字據別本增

卷九十四

天禧三年十月己巳謁景靈宮原本景訛京今改

卷一百七

仁宗天聖七年三月癸亥詔如聞京城諸倉所納軍糧多槩量過數原本槩訛暨今改

卷一百八

天聖七年六月丁未蘇舜欽上疏願陛下恭默內省案恭通鑑作拱誤

七月乙亥詔殿直以上自今不得換文資原本資訛暨今改

卷一百九

天聖八年五月甲寅賜龍虎山漢天師張道陵二十五世孫乾曜號虛靖先生案宋史本紀賜號澄素先生與此互異

卷一百十

天聖九年四月乙巳祖宗時重盜剝桑柘之禁枯者以尺計積四十二尺爲一功三功以上抵死五月丁未朔詔至死者奏裁原本枯訛柘據宋史刑法志改

天聖九年六月丁丑契丹主遣命以順聖元妃爲皇太妃原本聖詔帝據遼史改

卷一百十一

明道元年八月壬子以劉隨爲契丹國母生辰使原本母詛子 又崔賢爲國主正旦使原本主詛母今並改

卷一百十二

明道二年四月庚子降詔恤刑原本刑詛妙今改

六月范仲淹陳八事其八曰真州建長蘆寺役兵之糧

已四萬斛棟宇像塑金碧之資又三十萬緡原本碧訛壁據宋史本紀改

卷一百十三

明道二年八月盧守懃落押班爲永興軍鈐轄原本永訛水今改

卷一百十四

景祐元年四月丁巳蔣堂言乞自今除扼要邊陲之處合選任近上武臣其餘州軍卽改差文資原本扼訛扼要訛東陲訛郵今並改

閏六月乙酉歐陽修爲鎮南節度掌書記修安福人案
歐陽修宋史作廬陵人其文集亦自稱廬陵歐陽修
此作安福人非是

卷一百十六

景祐二年正月丙午韓瀆言天下賦役之繁原本役訛
與今改

卷一百十八

景祐三年三月李諮等請罷河北入中虛估以實錢償
芻粟實錢售茶原本估訛佑今改

卷一百十九

景祐三年七月丁亥詳定黍尺鍾律丁度等言隋志所
載諸代尺度十有五等原本十訛寸據宋史樂志高
若訥所校十五等古尺條改

卷一百二十

景祐四年十二月置十八監軍司案十八監宋史作十
二監 又左廂宥州路五萬人以備鄜延麟府原本
脫鄜延二字 又興慶府七萬人爲鎮守原本脫興
慶府七萬人六字並據宋史增

卷一百二十一

寶元元年二月壬午詔內臣為走馬承受代還如使臣
例與改官景祐五年中嘗有是詔今復申明之案景
祐止四年五年即寶元元年也此稱五年誤 又韓
琦上疏言陳堯佐男述古監左藏庫官不成資未經
三司保奏擢任三門白波發運司原本門訛司據宋
史改

卷一百二十三

寶元二年四月癸卯右諫議大夫任中師原本師訛司
據宋史改

六月夏竦言白志榮遇寇浦洛河原本浦訛溥今改

卷一百二十八

康定元年八月宋庠言國朝承五代荒殘之弊事從簡
畧鳴鑾游豫僅同藩鎮而盡去戈戟旌旗之制非所
謂旄頭先驅清道後行之謹也原本脫行字據宋史
增

卷一百三十

慶歷元年正月戊寅范仲淹為書以抵元昊我太祖皇

帝應天順人廣南江南荆湖西川一舉而下原本江南訛荆南案下既有荆湖則上不當復有荆南當是江南之訛今改

卷一百三十三

慶歷元年八月辛卯范諷上言元昊不可擊久當自服倘內修百度如祖宗故事則疆事不足爲陛下憂也原本脫則疆事三字據宋史增

卷一百三十五

慶歷二年三月丙戌林瑀撰周易天人會元紀其說用天子卽位年月日辰占所值卦以推吉凶上因問太祖卽位值何卦案上文太祖皇帝是也句則太祖卽位值乾卦已明言之矣不應重問當是太宗之訛

卷一百三十六

慶歷二年五月甲寅歐陽修上疏大將軍無功而依舊居官原本依舊二字互倒據歐陽修集改

卷一百四十二

慶歷三年七月癸巳諫官蔡襄言元昊始以烏珠之號爲請及邵良佐還乃欲更號吾祖足見悖慢之意也

案吾祖應改烏珠宋人不知音譯故對音爲兀卒而夏人復欲易爲吾祖今通卷俱已譯改而此處蔡襄余靖歐陽修等奏內文義難以并改姑仍其舊

卷一百四十二

慶歷三年九月乙丑湖南轉運使言桂陽監蠻獠內寇蠻獠者居山谷門原本上獠字訛徭下獠字訛搖今改

卷一百四十五

慶歷三年十一月辛巳歐陽修言昨王倫事起江淮官吏未行遣之間京西官吏又棄城而走原本脫西字據歐陽修集增

卷一百四十七

慶歷四年三月丁亥范仲淹言臣竊見尹洙才業操行縉紳所推乞召尹洙赴闕原本洙訛除案宋史改

卷一百四十九

慶歷四年五月壬戌鄭戩奏修水洛城韓琦言水洛勞費又多疎虞比于黃石河腹內之路遠近所較不多原本脫石字據宋史增

卷一百五十二

慶歷四年九月辛巳降柴貽慶為宣州都監原本貽訛始案宋史改

卷一百五十七

慶歷五年八月甲子包拯言蕃戶深入南界侵占地土邊臣畏懦不能畫壕禁止原本壕訛時據宋史改

卷一百五十八

慶歷六年五月戊戌詔環慶經界司比夏國人馬累至後橋其地雖係漢界但夏國今納款稱臣不欲出兵拒絕原本漢訛漢據宋史改

卷一百六十三

慶歷八年二月丁酉自萬壽觀迎宣祖太祖御容奉安於睦親宅案宋史太祖下尚有太宗二字此脫

甲寅魚周詢答手詔其預闈籍服武弁者坐費水衡之給原本闈訛閨據薛應旂續通鑑改 又文能附眾武能威敵原本眾訛重據史記司馬穰苴傳改

卷一百六十四

慶歷八年四月己巳判延州程琳言案續通鑑作陝西

安撫使與此異

六月乙未詔館閣官須經親民一任方許入省府及轉
運提點刑獄差遣原本脫及字據宋史增

丙申張方平等上陝西錢議請以江南儀商等州大銅
錢一當小錢三案宋史三作二

卷一百六十五

慶歷八年十月丁亥峻青白鹽之禁原本脫白字據宋
史食貨志增

十二月丙子詔三司河北沿邊州軍各入中糧草改
行四稅之法原本稅訛說據文獻通考改

卷一百六十六

皇祐元年三月庚子召輔臣觀新造渾儀木樣原本木
訛本據宋史改

六月戊寅詔中書樞密非聚議毋得通賓客原本議訛
廳據宋史改

卷一百六十七

皇祐元年八月壬戌樞密使工部侍郎宋庠爲兵部侍
郎平章事案宋史宰相表作宋庠自樞密使檢校太

傳行工部侍郎加兵部侍郎同平章事集賢殿大學士與此互異

九月乙巳儂全福妻阿儂本佐江武勒族也原本左訛佐據宋史改

卷一百六十八

皇祐二年六月乙未御撰鼓吹警嚴曲合宮歌並肄於太常原本肄訛肄據宋史樂志改

丙寅王堯臣言準正聲之半以為十二子聲之鍾故有正聲子聲各十二原本各訛名據宋史樂志改

卷一百七十二

皇祐四年四月儂智高及其黨儂建侯儂志中等謀入寇案中宋史作忠

五月丙辰入貴州原本貴訛費據宋史地理志改

六月乙亥起復前衛尉卿余靖為祕書監知潭州案宋史作湖南安撫使知潭州與此互異

卷一百七十三

皇祐四年七月丁巳命余靖提舉廣南東路兵甲案宋史無東路二字

卷一百七十四

皇祐五年正月壬戌韓琦上言請多用步兵什什相聯
伍伍相遮原本遮訛逢據歷代名臣奏議改

四月庚午命陝西轉運使李參專制置解鹽案參宋史
食貨志作恭與此互異

卷一百七十五

皇祐五年閏七月壬申戶部侍郎平章事龐籍以本官
知鄆州案宋史宰相表作以京東西路安撫使出知
鄆州與此互異

卷一百七十六

至和元年三月己巳王貽永罷為景靈宮使加右僕射
兼侍中案宋史作檢校太師與此互異

卷一百七十七

至和元年九月辛巳王拱辰使契丹契丹國母愛其少
子宗元案宗遼史作重

十二月乙卯契丹遣崇祿卿劉九言來賀正旦原本祿
訛福據遼史改

卷一百七十九

至和二年三月丙子詔封孔子後為衍聖公初太常博士祖無擇言文宣王四十七代孫孔宗愿襲封文宣公案太常博士宋史及闕里文獻考俱作入直集賢院與此互異又在漢魏曰褒成褒宗案闕里文獻考無褒宗之名

卷一百八十七

嘉祐三年四月丙寅詔曰朕惟分治州縣付之守令案丙寅宋史作丙辰合前後支干考之當從丙寅為是宋史訛

七月丙戌河決詔賑救案丙戌宋史作丙子誤

卷一百八十八

嘉祐三年十二月乙巳詔三司每賦上天下歲賦之數案乙巳宋史作己巳誤

卷一百九十三

嘉祐六年正月乙丑諂良民子弟為人誘隸軍籍百日內父母訴官者還之案百日宋史作兩月與此異

卷一百九十五

嘉祐六年十月壬辰上謂韓琦曰宗實者今三十餘歲

矣原本實訛室據宋史改

卷一百九十八

嘉祐八年正月辛巳龍圖閣直學士周沆充館伴契丹使者案宋史周沆此時判太常寺與此互異

六月丁亥陳太素在大理以耳疾數求罷原本耳訛身據宋史改

卷一百九十九

嘉祐八年十月李端懋奏請通事舍人閣門祇候一任在京一任在外從之仍令常選留十二人在京原本選訛遷據宋史改

十二月己巳始御延英閣案宋時無延英閣當從宋史作邇英爲是

卷二百

英宗治平元年二月庚午權判流內銓錢公輔奏請選人祖父母父母年老得家便官者免更注案英宗卽位公輔以不肯草王疇樞密詔謫滁州團練使此云判流內銓與宋史異

卷二百一

治平元年四月戊申太后還政韓琦厲聲命儀鸞司撤簾案撤簾事宋史不載曹后傳云后命還政帝持書久不下及秋始行之亦與此不合

卷二百二

治平元年八月丙辰司馬光數任守忠十罪帝納其言遂黜守忠案守忠之竄由司馬氏之疏而韓琦實贊成之宋史于光及守忠傳互有牴牾而此書盡歸美于司馬氏亦未可盡信也

卷二百三

治平元年十一月己卯韓琦日向以黎樞叛命太宗遣將討伐案樞宋史作桓

十二月丙午內侍省押班副使王昭明爲環慶路鈐轄原本脫明字據宋史增

卷二百四

治平二年正月壬午司馬光言兵多而不精則衣糧難贍原本脫不字據傳家集增

二月辛丑龍圖閣學士工部侍郎呂光弼權三司使案呂光弼此時已不爲龍圖閣學士工部侍郎又云至

和初已爲三司使皆與宋史不合

癸卯王疇卒享壽類其父融云案宋史疇父名博文融別有傳此誤

卷二百五

治平二年二月癸亥蔡抗兼起居舍人原本蔡訛呂據宋史改

卷二百六

治平二年八月辛卯司馬光上疏或非材而驟進或有罪而見寬天下所以重失望也原本重失二字互倒據傳家集改

呂大防言雨水爲患此陰乘陽之沴也原本乘訛盛據名臣奏議改

十一月壬申祀天地于園丘呂公著攝太僕卿參乘原本乘訛政據宋史改

卷二百七

治平三年正月壬申翰林學士給事中知制誥范鎮爲翰林侍讀學士集賢殿修撰知陳州案范鎮此時不爲知制誥亦不兼給事中與宋史異

三月辛巳彗昏見于昴案昏宋史作晨與此異

卷二百八

治平三年八月己亥呂公著知蔡州原本蔡訛蘭據宋史改

十一月己巳司馬光奏連年大水漂沒廬田原本年訛月據傳家集改

卷二百九

治平四年正月戊午大赦除常赦所不原者案宋史作赦天下常赦所不原者與此異

三月劉庠劾歐陽修上欲誅修以密詔問孫思恭案宋史云神宗初卽位欲深護修此云欲誅修恐未可信與宋史亦不合

壬申歐陽修爲刑部郎中案宋史作刑部尙書與此互異

卷二百十二

神宗熙寧三年六月乙亥韓縝言晉州神虎副指揮使嚴訓康定中戍豐州城陷遇害乞錄其子孫從之案宋史不載嚴訓事

卷二百十三

熙寧三年七月壬辰罷置潞州交子務案宋史作置潞州交子務或係史訛

丙申以四州義勇分五番番三千人案宋史脫一番字誤

卷二百十四

熙寧三年八月己卯斬李信劉甫案宋史誤為夏人犯大順城時事當以此書為確

卷二百二十一

熙寧五年四月丙寅上以樞密諸房案牘煩委胥史多不得人因命都承旨李評立法參補流外選人原本評訛詳據宋史改

卷二百三十四

熙寧五年六月壬子司封郎中謝景初追兩官原本景訛京據宋史改

卷二百四十

熙寧五年十一月戊辰奉旨詳定僖祖祧遷楊傑議曰祭感生帝還以始祖配之原本感生訛所感據宋史

改

卷二百四十六

熙寧六年八月庚寅熙河路奏王韶自露骨山過一日至五七下馬步行王安石對曰韶因援河州略定南山一帶乃是奕棋一著應三兩著之類也原本脫南字據王韶傳增

卷二百四十九

熙寧七年正月壬戌賜知鳳翔府蘓宋獎諭敕書原本鳳翔訛秦鳳據宋史改

卷二百五十

熙寧七年二月庚午昌王顥嘉王顥言皇子已授節藩開府置官不可不備原本昌王顥作岐王案宋史作吳王吳王乃係徽宗時改封當神宗時曾封祁國公東陽郡王又進封昌王並無岐王之稱據今改

卷二百五十三

熙寧七年五月壬子贈包約為忠州刺史約蕃官也初從景思立河州戰沒原本脫思字據宋史改

卷二百六十二

熙寧八年四月戊子詔北京澶定州封椿糧草韓縝已
定日於西涇與蕭素梁穎相見原本素訛索據宋史
改

卷二百六十八

熙寧八年九月戊辰以封州刺史仲來襲封魏國公注
仲來誰子案宋史宗室傳載仲來係漢恭憲王元佐
庶長孫宗立子

卷二百七十三

熙寧九年二月辛丑廣南西路經畧司以蘓緘死事聞
詔贈緘奉國軍節度使案宋史神宗本紀作正月辛
巳與此異

卷二百七十四

熙寧九年四月辛卯遼王遣耶律庶箴來賀同天節案
箴宋史作幾與此異

卷二百七十九

熙寧九年十二月癸未詔自今市易務提舉官依舊二
年一取旨麻絲竹箴之類更不買原本絲訛榮據說
文及周禮改箴訛菴據顧命疏改

辛丑御史中丞鄂潤甫等言唐自睿宗以前未嘗以將帥屬中人至明皇稍委近習會安南蠻渠梅叔鸞叛而楊思勗請行遂許之原本叔訛升勗避宋嫌名作勉並據唐書改

卷二百八十一

熙寧十年三月戊午詔著作佐郎前崇文院校書張載歸館供職以呂大防請召還故有是詔案綱目云載自崇文歸與諸生講學呂大防薦之召同知太常禮院此云歸館供職秋七月乙卯始書其兼知太常禮

院與綱目異

卷二百八十四

熙寧十年九月己酉詔東自信安保定軍雄霸莫州西至順安塘灤民有漁船者並蠲其日納錢原本順安訛安安據宋史地理志改

卷二百八十五

熙寧十年十月戊子特詔王安石治江寧注豫國夫人之弟吳生者來省荆公原本弟訛第 又使人白遣吳生原本白訛曰並據東軒筆錄改 又遂杖二皂

案杖東軒筆錄作挾非

卷二百九十三

元豐元年十月辛酉詔孫頎候會合諸處兵甲賈勇而前原本頎訛顧據宋史改

卷二百九十四

元豐元年十一月壬申詳定禮文所言郊祀壇域當依儀注撤去青繩原本繩訛蠅據宋史禮志改

卷二百九十五

元豐元年十二月甲子婉義邢氏進封賢妃原本邢訛刑今改

卷二百九十七

元豐元年四月甲子知審刑院安燾言天下奏案視十年前增倍原本燾訛燾據宋史改

卷三百

元豐二年九月癸卯詳定禮文所言乞廣田千畝為藉田引惠民蔡河水灌其中冬則藏水原本藏訛放據宋史改

卷三百一

元豐二年十一月癸巳詔開封府界教大保長充教頭
注以大保長十人充教五分其丁以其一爲騎三爲
弓三爲弩原本丁訛可據宋史兵志改

卷三百二

元豐三年正月庚戌詳定禮文所言血是告幽之物毛
是告全之物原本告全訛生全據禮記注疏改

卷三百四

元豐三年正月甲子詳定禮又所言明堂修二七原本
二訛七據考工記改 又望郊之細也原本細訛屬
據左傳改

卷三百五

元豐三年六月庚子詳定禮文所言笏惟天子以球玉
爲之乞朝廷揆玉之有無制之原本制之二字互倒
據宋史輿服志改

卷三百六

元豐三年七月甲子詔廣武雄武上下埽可速遣陳祐
甫往視原本作廣武上下雄武埽按宋史河渠志上
下埽今據改

卷三百七

元豐三年八月丙申中書主事周温降一資原本事訛
書據宋史職官志改

元豐三年九月乙亥詳定官制所上以階易官寄祿新
格注中散大夫七歲乃遷朝議大夫以十七員爲額
原本七十訛十七據宋史改

乙酉詔卽景靈宮作十一殿案宋史禮志作景靈宮在
元豐五年與此異

丁亥詔改知外都水丞南北司公事爲知南北外都水
丞原本南北外訛內北外據宋史職官志改

戊子詔凡弓箭手兵騎各以五十人爲隊案五十人宋
史兵志作十人與此不同

卷三百九

元豐三年閏九月丙寅呂惠卿丁憂奉旨本俸外月特
給錢五十千惠卿月支請添支錢十五千案宋史載
此條云於本俸外特給五萬惠卿請添支萬五千與
此不同

卷三百十一

元豐四年三月甲寅正議大夫薛向卒注劉述錢顛等
言向不可爲大吏原本述訛迷顛訛愷據宋史改

卷三百十五

元豐四年八月己巳詔白馬縣復爲滑州注以白馬韋
城胙城三縣隸開封原本胙訛昨據宋史地理志改

卷三百二十五

元豐五年四月戊寅詔六曹尚書注李德芻欵獻子云
原本欵訛敬案李德芻作欵獻子今據改

卷三百二十六

元豐五年五月甲午吏部尚書李清臣言今月壬辰賀
僕射上尚書省百官方就班臺吏相繼趨臣等就列
原本脫賀射三字案宋史禮志有賀僕射上尚書禮
今據補

卷三百三十一

元豐五年十一月癸未朝享景靈宮注皇太后親詣酌
獻祝文鄭鄖溪集原本溪訛漢案宋藝文志鄭獬有
鄖溪集今改

十二月庚申先是劉摯等使敵原本摯訛贄據宋史改

卷三百三十二

元豐六年正月己丑層檀貢方物有薰陸千年棗原本薰訛董年訛缶據宋史層檀國傳改

卷三百三十六

元豐六年閏六月壬辰皇第九子似為山南東道節度使原本似訛祕據宋史改

卷三百五十二

元豐八年三月甲午注神宗服藥手寫佛經三卷祈福案韓宗武記云簾內出經兩卷一消災一延壽與此

云三卷互異

卷三百五十三

元豐八年三月戊戌注紹聖史官簽貼云云案此條所引紹聖史官之說極譽神宗之信用王安石謂其立政造令能法先王而於韓琦富弼諸正人皆加以貶詞蓋紹聖間修神宗實錄皆出自王安石黨與李燾徵引諸說不加駁辨亦非史法

卷三百五十六

元豐八年五月乙未注舊錄云云案此條於哲宗即位

時直言諸臣概目爲誣謗詆訕殊失是非之公蓋哲宗舊實錄皆安石餘黨所修故于言新法不便者必加以誣貶乃羣邪醜正之詞不足爲據

卷三百六十二

元豐八年十二月乙丑夏國遣人入貢案宋史哲宗紀夏國入貢在丙寅茲繫之乙丑或別有所據姑仍原文

卷三百七十二

哲宗元祐元年三月丁丑劉贊言用賢則如轉石去佞則如拔山原本轉石訛反汗據漢書改

卷三百七十四

元祐元年四月癸巳王安石卒注深懲在列曲恕元台原本懲訛故恕訛怒據尊堯集改

卷三百八十六

元祐元年八月己酉蘇轍言乞令汴口以東每歲有無除放二稅仍具水櫃之可與不可廢罷原本脫櫃字據宋史補

卷三百九十



元祐元年十月癸丑呂陶言十一事其六乞復成都府
犀浦綿州西昌陵井監貴平等縣使民戶力役均平
原本并訛并據宋史改

卷三百九十四

元祐二年正月庚午蘇軾言竊鉄而知心目之可亂投
杼而知母子之可疑原本竊訛窃據呂氏春秋改

卷三百九十八

元祐二年四月丁酉右司郎中杜紘原本紘訛絃據宋
史改

卷四百一

元祐二年六月甲申夏國結屬羌爲內應凡受其要約
者以聖本族蕃塔爲驗原本蕃塔訛墳塔據曾布目
錄改

卷四百三

元祐二年七月乙丑呂陶上疏論朋黨曰昔劉崇魯哭
李磻白麻者爲諂崔昭緯也原本劉崇魯作劉栖楚
據李磻傳改

卷四百六

元祐二年十月丙午左司員外郎朱光庭爲太常少卿
注右正言丁騫原本騫訛隙據宋史改

卷四百七

元祐二年十一月丙寅大雪據宋史大雪係乙亥日與
此異

十二月庚子朝奉郎仇伯玉原本仇伯玉訛王玉據宋
史改

卷四百九

元祐三年三月甲戌井亮采知滑州亮采前自京東路
轉運判官徙河東原本河東訛京東案亮采山京東
徙河東注旣云爲京東運判在八年四月則二年九
月之徙河東無疑今據改

卷四百十

元祐三年五月丁未劉安世言歐陽棐與程頤畢仲游
孫朴陽國寶輩交結執政號爲死黨原本頤訛熙案
劉光世前後彈頤凡數章並見長編詆訾不遺餘力
而安世及頤傳並無之蓋史爲安世諱也是時又無
程頤今據改

卷四百十三

元祐三年八月己卯劉安世言小臣之論至于五六而猶不能勝原本脫勝字據歷代名臣奏議增 又程頤畢仲游楊國寶歐陽棐孫朴五人者獨被惡聲案是時洛蜀二黨互相詆訾劉安世早年亦深疾程氏故斥為五鬼之首其言未足為信

卷四百十四

元祐三年九月壬申劉世安言胡宗愈身備從官原本脫從官二字據歷代名臣奏議增

卷四百十五

元祐三年十月己丑王覲言胡宗愈原本覲訛觀今據宋史改

戊戌詔黃河未復故道終為河北之患案宋史河渠志載是詔及范純仁王存奏疏皆在六月與此小異庚子王存留身奏曰云云案宋史河渠志載王存等奏係六月庚子與此異

卷四百十八

元祐三年十二月丙戌詔刊神宗皇帝舉御史詔于御

史臺原本神訛祖據宋史改

卷四百二十三

元祐四年三月壬申王彭年言案開寶禮鬱鬯醴齊惟親祠侍中贊酌之遣官行事則太尉親酌之開元禮亦然原本開寶訛開元今改

卷四百二十五

元祐四年四月戊申陳佑之為河北路轉運判官原本陳訛程據宋史改

卷四百二十六

元祐四年五月辛未范祖禹上言四海之廣萬民之衆失之至易安之至難原本脫安之至難四字據歷代名臣奏議增

戊寅蔡確上言李賀有天上謠云海塵新生石山下原本山訛中據李賀集改

卷四百三十二

元祐四年八月甲寅李常罷新除兵部尚書改知鄧州原本鄧訛鄆案李常于五月坐不言蔡確罷新除兵部尚書改知鄧州並未知鄆州今據改

卷四百三十三

元祐四年九月己巳左班殿直士盍爲右千牛衛大將軍燕國公原本盍訛香考宋史宗室表士香官通議大夫此書于本年四月甲寅亦書通議大夫士香由監門衛大將軍轉文資此月不得更稱左班殿直又宗室表有燕國公士盍與此正合今據改

卷四百三十六

元祐四年十二月甲子梁燾言臣嘗求當世之急務得導洛通汴之寔原本導洛訛得諸道路又竊以開路之役其功甚小原本以訛聞洛訛治 又伏望出臣前章詔大臣與本監及知水事者先具圖說原本水訛本並據宋史改

卷四百四十三

元祐五年五月壬辰令杭州開西湖先是湖中葑田積二十五萬餘丈運河失湖水之利原本湖水訛湖中據宋史河渠志改

卷四百四十三

元祐五年六月庚戌宣政使榮州團練使劉有方爲宣

慶使原本團練訛團諫據宋史改

卷四百四十四

元祐五年六月辛酉權戶部侍郎韓宗道爲刑部侍郎
原本宗訛琦考宋史無韓琦道惟有韓綜之子名宗
道據後十月己未刑部侍郎韓宗道爲寶文閣待詔
則此爲宗道無疑今據改

卷四百七十三

元祐七年五月丙午王巖叟爲端明殿學士原本殿訛
大據宋史改

卷四百八十六

紹聖四年四月丁未曾布論王珪持兩端注楚王顥以
紹聖二年自冀改楚原本顥訛願據宋史宗室傳改

卷四百九十九

元符元年六月戊子上問宰執親戚爲誰布曰向子莘
是臣壻原本莘訛莘據宋史改

卷五百二十

元符三年正月戊子嗣濮王宗漢爲寧江節度使原本
濮訛漢據宋史改

欽定四庫全書考證

武英殿聚珍版

卷三十一 史部

綱目分注拾遺

續宋編年資治通鑑

靖康要錄

通鑑續編

大記事續編

元史續編

三朝北盟會編

欽定四庫全書

蜀鑑

東南紀聞

炎徼紀聞

宋史紀事本末

明史紀事本末

左傳紀事本末

臣祝 堃恭校

綱目分注拾遺

卷一

巫蠱條掘地求偶人刊本掘訛握今改

味穆奏記又掠奪百姓刊本掠訛涼據通鑑改

卷二

楊駿條及中書令何邵刊本邵訛邵據通鑑改

卷三

李諤上書以傲誕云云刊本以傲誕訛指儒素據通鑑

改

欽定四庫全書

二

以高仙芝爲安西四鎮節度使條藤橋濶盡刊本濶訛
閣據通鑑改

卷四

李泌諫易太子條注綴在黃臺瓜辭之下刊本臺瓜二
字互倒今改

張仲武條注幽人心向仲武刊本幽訛幽據通鑑改
蠻寇安條南知峯州者言于瑑刊本瑑訛涿據通鑑改

續宋編年資治通鑑

宋劉時舉撰

卷三

宋高宗紹興三年玠一日夜馳三百里至饒風原本風
訛州據綱目改

卷五

十一年布衣劉允升上書訟飛冤原本允訛元據綱目
改

卷七

三十一年敵帆皆以油纈爲之原本油訛錦據綱目改

卷九

孝宗乾道六年止可奉遷卽俟刻期之報原本刻訛到

據綱目改

卷十一

光宗紹熙五年上曰始除熹經筵耳今乃事事欲與聞

原本脫聞字據綱目增

卷十二

寧宗慶元元年太學生楊宏中等六人上書刊本脫中

字據綱目增

卷十四

嘉定八年金主急召花帽軍於山東原本於訛為據綱

目改

靖康要錄 不著撰人姓名

卷一

孝慈淵聖皇帝案宋史作恭文順德仁孝皇帝 又母

曰恭惠皇后惠宋史作顯並與此異

五年二月乙巳條太保武昌軍節度使原本太訛少據

宋史改

六月乙亥詔納故少傅恩平郡王朱伯材女孺人朱氏

為如案乙亥宋史作癸未與此異

卷二

欽定四庫全書考證 卷三

五

六日手詔條司馬光范仲淹可贈太師案宋史作追封

范仲淹魏國公贈司馬光太師與此異

十九日聖旨條近差承議郎劉棐原本棐訛傑據宋史

改

卷三

十一日發運判官陸寘條尋盟修好原本修訛尋據左

傳改

二十八日少宰吳敏劄子鄆國公榷案宋史及通鑑俱

作鄆王楷並與此異

卷四

九日少宰吳敏奏尹焞鄧肅之流原本焞訛焞據宋史

改

卷七

九日宋暎責授單州團練副使條得所與余都蠟書原

本覲訛都據通鑑改

卷八

六日聖旨條朝奉郎呂好問原本好訛言據宋史改

九日臣僚上言吳敏責授崇信軍節度副使涪州安置

原本崇訛同涪訛若並據宋史改

三十一日詔孫傳條尹焞補和靖處士案宋史作賜布衣尹焞為和靖處士

通鑑續編 明陳桎撰

卷一

帝嚳高辛氏在位七十年注伯虎仲熊刊本虎訛亮據

左傳改

卷二

丙子春二月契丹大赦建元注父曰容我梅里案遼史

后父婆姑梅里名月椀與此異

甲申夏六月契丹主侵吐渾等部注抵霸室山六里刊

本室訛里據遼史改

王寅晉主敬塘殂注馬步都虞侯景延廣刊本廣訛度
據五代史改

卷三

庚申趙匡胤稱皇帝注翰林承旨陶穀刊本闕穀字據
宋史補

卷四

宋太平興國四年以石熙載簽書樞密院事刊本書訛
署據宋史改 又師團太原注凡得州十縣四十戶
十三萬案綱目續編作州十軍一縣四十二戶十三
萬宋史帝紀作三萬語俱互異

雍熙三年張齊賢大敗契丹于土鐙堡注師出并州至
北井刊本北井訛柏并據宋史改

卷六

天聖七年契丹蕭孝穆帥師討之注遼東無權酪鹽麩
之法刊本麩訛麩法訛征並據遼史改

九年契丹封李德昭子元昊為夏國公刊本脫元字今
增

卷七

次定四庫全書目錄

嘉祐六年以司馬光同知諫院注光復上疏刊本光訛者據宋史改

起復濮安懿王子宗實知宗正寺注凡十八表而後許之案宋史帝紀作奏四上乃聽與此異

卷八

熙寧三年以司馬光為樞密副使注諸侯變禮易樂者刊本侯訛使據宋史改

四年開封府推官蘇軾乞罷注造端宏大民實驚疑刊本民訛名又所喪逾多刊本逾訛渝並據宋史改

置洮河安撫使命王韶主之原本韶訛韶主訛立又脫之字並據宋史改增

卷九

八年遼主殺其后蕭氏注伶官趙惟一刊本惟訛清據

遼史改

元豐六年夏主秉常上表注王師徂征刊本徂訛祖征

訛疆並據宋史改

八年詔百官言政闕失注詔榜朝堂刊本榜訛謗據宋

史改



卷十

元祐三年戶部獻天下民數注主戶一千二百一十三萬案宋史哲宗紀無一千二字

八年以范純仁為尚書右僕射注上疏論純仁不可復

相刊本論訛論據宋史改

元符三年詔復元祐黨人范純仁等官注得地難耕刊本難訛必據宋史改

卷十一

崇寧元年議復湟州注蔡京蔡卞請復湟鄯刊本鄯訛

善據宋史改

大觀四年有星孛于奎婁注託爵祿以市私恩刊本託

訛記據宋史改

卷十三

靖康二年宗澤敗金人于衛州注澤計敵眾十倍刊本

十訛士據宋史改

卷十四

建炎三年扈從統制苗傅劉正彥作亂注前言二將學不足如何刊本將訛相據宋史改

四年張浚退守興州注或請徙治夔州刊本夔訛瓊據
綱目續編改

卷十五

紹興三年劉子羽之師潰于饒風關注雖入三州而得
不償失刊本得失二字互訛今改

卷十七

十七年趙鼎卒于吉陽軍注令本軍月具存亡申省刊
本脫省字據綱目續編增

卷十九

慶元三年籍偽學罷吏部侍郎黃由注曾受偽學舉薦
刊本受訛度據綱目續編改

嘉定元年王柟還自汴注柟未之知也刊本柟訛相據
綱目續編改

卷二十

八年蒙古殺張鯨注改元興龍刊本龍訛隆據元史改
卷二十一

寶慶六年金雀立執其梁王從恪注凡車三十七兩刊
本脫車字據金史增

卷二十二

嘉熙三年孟珙遣師分道禦蒙古注命弟瑛以精兵五千駐松滋刊本弟訛晉據綱目續編改

大事記續編 明玉禪撰

卷一

漢孝昭皇帝始元五年夏陽男子張延年詣闕自稱衛太子刊本延年訛威遂據漢書改

卷二

孝宣皇帝甘露三年詔諸儒講五經同異於石渠閣解題穀梁則尹更始劉向周慶刊本慶訛度據漢書改

卷三

孝元皇帝初元五年罷角觝上林宮館希御幸者刊本

館訛謂又脫御字並據漢書改增

卷六

孺子嬰居攝元年安衆侯劉崇起兵討莽刊本衆訛漢據漢書改

卷九

世祖光武皇帝建武二十三年陳留太守王況爲大司徒解題玉音肅刊本玉訛況據漢書改

卷十

顯宗孝明皇帝永平二年是歲始迎氣于五郊解題四方之兆各依其方中央之兆在未刊本脫各依其方中央之兆八字據漢書增

卷十一

肅宗孝章皇帝建初八年虎賁中郎將竇憲奪沁水公主田解題憲陰喝不得對刊本脫憲字掾後漢書增

卷十五

孝順皇帝建康元年太子卽皇帝位解題何其效僻之多歟刊本效訛放據後漢書改

卷十八

孝靈皇帝建寧二年段熲大破先零羌于射虎塞外谷
解題馘馬揚埃刊本馘訛馘 又徵糧粟鹽鐵之積
刊本鐵下行縑綵二字 又轉輸勞來之費刊本脫
來字並據後漢書改刪增

卷十九

中平六年中常侍張讓等殺進於嘉德殿解題我奈何
楚楚與士人共對事乎刊本人訛子又共對二字互
倒據後漢書改

孝獻皇帝初平三年以征西將軍皇甫嵩為車騎將軍
刊本脫征字據後漢書增

卷二十三

安樂思公延熹十三年魏罷校事官解題初無校事之
官干預庶政者也刊本庶下行民字據魏志刪

魏元皇帝咸熙元年鍾會反衆誅之解題故給使使宣
語三軍言會反刊本給訛給據晉書改

卷二十八

晉中宗孝元皇帝大興元年廣武愍侯劉琨為匹段磾
所害解題公甚似劉司空刊本空訛公 又庚寅李

金匱要略卷三十一
四
矩都督司州諸軍事司州刺史刊本脫諸事又事訛
中並據晉書改增

卷二十九

孝宗穆皇帝永和元年冬張駿降焉耆刊本焉訛馬據
晉書改

卷三十

哀皇帝隆和元年龍驤將軍袁真爲西中郎將監豫司
并冀四州軍事刊本司訛州據晉書改

卷三十一

烈宗孝武皇帝太元四年秦陷邯鄲解題後禁毛盛刊
本後訛右據晉書改

卷三十二

太元十五年秦將軍魏揭飛攻後秦杏城解題萇固壘
不戰刊本脫固字據晉書增

卷三十三

安皇帝隆安元年沮渠男成推涼建康太守段業爲涼
州牧刊本建下行始字 又隆安五年武威王利鹿
孤稱河西王解題且首兵始號事必無成刊本兵訛

然並據晉書刪改

卷三十六

宋高祖武皇帝劉裕永初元年宋初限荊州將吏解題
吏不得過五千人刊本千訛百據宋書改

卷三十七

魏高宗文成皇帝和平二年魏大旱復羣祀刊本羣訛
郡據通鑑改

卷三十八

魏高祖孝文帝延興五年魏置河東鹽官解題近池之

民又訛障咨刊本池訛地據魏書改

宋蒼梧王元徽四年宋袁粲劉秉謀誅蕭道成不克解
題時立一意則衆莫能改刊本改訛決據南史改

卷四十八

煬皇帝大業元年開通濟渠刊本渠訛梁據北史改

卷五十一

唐太宗文武皇帝貞觀十五年命兵部尚書李勣等為
四道行軍總督刊本脫為字據唐書增

卷五十三

則天順聖皇后武氏垂拱三年殺劉禕之解題不經鳳閣鸞臺何名爲敕刊本經訛乾據唐書改

卷五十八

立宗明皇帝天寶七載高力士加驃騎大將軍解題由是還內宅不復與事刊本脫與事二字據唐書增十四載徵祿山不至解題西據洛陽刊本洛訛維據漢書改

卷五十九

肅宗皇帝上元二年李揆貶袁州長史刊本脫袁州二

字據唐書增

卷六十

德宗皇帝建中三年馬燧等大敗田悅于洹水解題悅求救於青恒冀李維岳李納合兵萬三千人救悅刊本脫求字又脫李納二字並據唐書增

卷六十一

貞元十六年鄭餘慶貶郴州司馬刊本脫郴州二字據唐書增

卷六十三

欽定四庫全書考證

卷五

七

憲宗皇帝元和七年營田振武天德解題人耕百畝刊
本畝訛頃據唐書改

十二年李愬襲破蔡州解題嚴緩次于蔡州西鄙刊本
鄙訛略 又其徒白官發之八月留守呂元膺以兵
掩邸刊本發訛散留訛劉 又光顏徐曰我去室家
久刊本徐訛視並據唐書改

卷六十四

穆宗皇帝長慶元年貶禮部侍郎錢徽中書舍人解題
宰相段文昌學士李紳以所善誘徽求致第籍刊本
誘訛誘據唐書改

卷六十五

文宗皇帝開成三年戶部尚書楊嗣復戶部侍郎李珣
同平章事解題德裕再徙鎮而宗閔故在貶地刊本
故訛妬據唐書改

卷六十六

武宗皇帝會昌四年加司徒李德裕太尉衛國公解題
大兵隨以北繇是所向多負刊本所訛取據唐書改
卷六十九

僖宗皇帝光啓元年李克用救河中解題因示偽詔克
用方與全忠有隙信之刊本脫之字據唐書增

卷七十

昭宗皇帝天復三年楊師厚大破王師範解題繡與曹
公爲敵刊本爲訛立據五代史改

卷七十五

晉高祖皇帝石敬瑭天福元年鎮州牙將祕瓊逐節度
副使李彥珂刊本李訛率據五代史改

元史續編

明胡粹中編

卷一

世祖皇帝至元十三年宋以益王昞判福州原本是訛
昞據宋史改

卷五

成宗皇帝元貞元年三月安南入貢注且謝寬贊恩原
本贊訛貫今改

卷八

仁宗皇帝延祐二年以楊載爲浮梁州同知注李侯有

佳句往往似陰鏗原本鏗訛鐘據杜少陵集改

卷十

文宗皇帝至順元年敕贓罰銀鈔給大禧宗禋院原本
禧訛禧據毛詩改

三朝北盟會編 宋徐夢莘撰

卷三十四

靖康元年太學生陳東伏闕上書臣等素與綱無半面
之雅與邦彥亦昧平生原本脫彥字據宋史增

卷四十九

李綱抵河陽論罷起兵等事劄子國之大事在戎原本
戎訛我據國語改

卷六十六

分命使人往陝西授范致虛五路宣撫使原本致訛治

據宋史改

卷七十五

二年中興姓氏錄至在圍城中上書不為時相所容原本上訛尚又脫不字案本卷前文云何桌拜相力主戰議劉韜極言不可輕戰遂落職又引靖康小錄云韜以言章罷守禦今據改

卷九十五

再申大元帥府狀天祐有宋必將有主原本脫有主二字據左傳增

卷九十九

汴都記副元帥宗澤原本脫澤字據宋史增

卷一百二十九

建炎三年汪伯彥責授江州團練副使原本脫練字據宋史增

卷一百九十八

紹興九年郭守中阻兵闕蜀原本脫兵字據宋史增
又按郭宋史作祁

欽定四庫全書

三

宋元嘉三年龐詒據武興原本龐上行秦字據資治通鑑吉翰為梁秦二州刺史詒守始平翰遣據武興此蓋節錄其文而誤衍耳今刪

蜀鑑 朱郭允蹈撰

卷五

晉永和三年條德陽今遂寧府原本德訛得又脫遂字並據宋史改增

卷六

宋元嘉三年龐詒據武興原本龐上行秦字據資治通鑑吉翰為梁秦二州刺史詒守始平翰遣據武興此蓋節錄其文而誤衍耳今刪

卷七

唐天寶十五年帝至散關條分將六軍以次之原本脫
將字據資治通鑑增

卷九

西南夷本末漢永平十七年白狼夷稱臣條巖阻峻回
原本巖訛若據漢書改

遣使立異牟尋為南詔王條賜以銀窠金印原本脫金
字據通鑑增

東南紀聞

不著撰人名氏

卷二

靖康建炎間關中奇士趙宗印提義兵擊敵所向輒下
會宋師敗于富平宗印知事不濟大慟于王景畧廟
披髮入華山不知所終案宗印本僧徒大言無實靖
康未用之致敗宋史頗載其詳此條所記殊非實錄

卷三

唐高祖實錄武德二年詔自今每正月五月九月十直
日並不得行刑公私宜斷屠殺此三長月斷屠殺之

始也竇苹注引釋氏智論云云案竇苹嘗作新唐書
音義者此所引注蓋卽唐書音義中文今其書不傳

炎徽紀聞

明田汝成撰

卷一

岑猛條自叙漢舞陰侯岑彭後原本舞訛武後訛子並
據後漢書改 又都御史姚鏞原本鏞訛謨據明史
改

卷二

斷藤峽條惜費不可以成事原本複衍成字今刪

卷四

孟養條貴姓酋思仁案思仁明史作思任發 又思仁

少子思祿案思祿明史作思陸發並與此異

宋史紀事本末

明馮琦原編

陳邦瞻增輯

卷三

契丹盟好條自古北口至柳河回曲殆千里欲夸示險
遠刊本脫口字曲字並據宋史增

卷四

天書封祀條其書黃字三幅詞類洪範道德經刊本其
訛有據綱目續編改

卷五

正雅樂條即依前譜次第成曲其徵聲自同本律刊本

徵訛徹據張溥本改

卷六

夏元昊拒命條緣邊都巡檢楊遵與戰敗績環慶都監
齊宗矩援之刊本環訛還據宋史改

卷七

英宗之立條又上言陛下得臣疏不以留中而付中書
刊本又上二字訛作人字據綱目續編改

卷八

王安石變法條因難琦奏曰如桑弘羊籠天下貨財以
奉人主私用乃可謂興利之臣今陛下修周公遺法
抑兼并振貧弱非所以佐私欲安可謂興利之臣乎
刊本脫今陛下至興利之臣二十七字據綱目續編

增

卷九

西夏用兵條復出兵追夏人殺其老幼二百刊本追訛
還據綱目續編改

卷十

元祐更化條雖曰平均物值而其實不免貨交取利刊

本值訛置據綱目續編改

卷十一

建中初政條貶惇武昌節度副使居潭州刊本脫副字
據綱目續編增

道教之崇條帝奉玉冊玉寶如玉清和陽官上玉帝尊
號刊本脫陽字據綱目續編增

卷十二

金滅遼條發契丹奚軍三千及中京禁兵等七千屯出
河店刊本河店二字互倒據遼金史改

卷十三

二帝北狩條帝命濟王栩如金營報謝刊本營訛宮據
張溥本改

卷十四

李綱輔政條帝乃出綱奏責授邦昌保化軍副使潭州
安置并安置王時雍刊本脫并安置三字據綱目續
編增

卷十六

張浚經畧關陝條斛輸錢三十頭子錢二十二刊本脫

下錢字據宋史增

卷十七

秦檜主和條金將議和當遣一人受書還報欲弁與倫探策決去留刊本脫欲字據綱目續編增

卷十九

孝宗之立條且薦徽猷閣待制范冲兼翊善刊本脫范冲二字據宋史增

卷二十

孝宗朝廷議條管仲嘗三戰三北刊本脫下三字又寄食出勝下刊本脫下字並據史記增

卷二十一

道學崇拙條待制以上則有朱熹徐誼彭龜年陳傅良薛叔似章穎刊本脫叔似二字據宋史及朱子大全集增

卷二十二

兩朝內禪條皇太后為壽聖皇太后刊本壽聖二字互倒據宋史改

卷二十三

蒙古侵金條尚宮左夫人鄭氏掌寶璽刊本夫人訛大
夫據宋史改

卷二十四

史彌遠廢立條起居郎魏了翁考功員外郎洪咨夔相
繼言竝之寃刊本咨訛啓據宋史改

會蒙古兵滅金條南門守者棄門走門洞開刊本洞訛
西據張溥本改

卷二十五

蒙古連兵條彥呐至蜀口檄帳前總管和彥威以軍還
泗刊本檄訛輟據宋史改

卷二十七

蒙古陷襄陽條萬戶史格一軍先渡刊本戶訛方據宋
史改

明史紀事本末

浙江學政僉事谷應泰編

卷二

平定東南條元順帝二十二年賀仁德走縉雲刊本仁德二字互倒據上文改

卷五

方國珍降條太祖吳元年進次餘姚降其知州李樞及上虞縣令沈煜刊本令訛邑今改

卷六

太祖平閩條不數日奄至福州五虎門刊本缺州五二

字據明史補

卷九

畧定秦晉條由河南河渡克武陟刊本陟訛陟據明史
改

卷三十

麓州之役條又追敗之高黎貢山下刊本貢訛共據下
文改

卷五十四

嚴嵩用事條不記鈐山堂二十年清寂耶刊本年訛早
據王士祿上浮集改

卷六十

諳達封貢條汾洲文水清源諸處刊本文訛又據一統
志改

卷六十二

援朝鮮條朝鮮釜山與日本對馬島相望刊本鮮釜訛
解金又對馬二字互倒並據明史改

卷六十五

礦稅之弊條谷應泰評州人機貝刊本州訛甘據周禮

改

卷七十

平徐鴻儒刊本儒訛孺據明史改

卷七十一

魏忠賢亂政條中書舍人吳懷賢下獄刊本賢訛學據明史改

卷七十五

中原羣盜條崙嵐大盜高加計刊本崙嵐二字互倒據明史改

左傳紀事本末

詹事府詹事高士奇撰

卷一

王朝交魯條文公元年王使毛伯衛來錫公命刊本錫訛賜據注疏本改

卷三

王臣之事條宣公十六年補逸乃講聚三代之典禮刊本脫講字據國語增

卷四

王室庶孽之禍條昭公二十一年補逸瓦絲尚宮匏竹

尚議刊本議訛義據國語及韋昭注改又案徐堅初
學記引作竹尚商絲尚宮匏土尚徵 又二十二年
辛丑伐京毀其西南案唐經南下有子朝奔郊四字

卷七

魯文姜之亂條桓公十八年補逸矢親戚之禮命刊本
禮訛理據管子改

卷九

三桓弱公室條莊公二十三年補逸常事曰視非常曰
觀刊本非常訛無事據穀梁傳改 又元定公年榮

駕驚按駕宋本作駕

卷十一

魯與邾莒構怒條襄公四年補逸魯婦人之鬢而弔也
自敗于臺駘始也刊本敗訛戰據檀弓改

卷十三

郊祀雩祭條定公元年補逸大旱雩祭而請雨刊本脫
旱字據春秋繁露改

卷十六

齊滅紀條莊公四年補逸諸侯世故國君為一體也刊

本故訛君據公羊傳改

卷十八

齊桓公之伯條僖公九年補逸北伐山戎離枝孤竹按
離枝國語作令支

卷二十二

陳氏傾齊條昭公二十六年補逸若有播越在于四方
此臣之罪也刊本越訛之據晏子春秋改 又哀公
十四年適豐丘豐丘人執之以告刊本脫豐丘二字
據注疏本增

卷二十三

曲沃併晉條莊公十六年補逸更號曰晉武公始都晉
國刊本武上衍侯字據史記刪

卷二十四

驪姬之亂條僖公十年補逸若此而入自明明則驪姬
必死刊本脫一明字據穀梁傳增 又知而背之不
信謀而困人不智刊本背訛有據國語改

卷二十五

晉文公之伯條僖公二十八年楚人救衛不克刊本衛

訛魏據注疏本改

卷二十六

楚莊王圖伯條宣公十二年補逸鄭伯肉袒牽羊奉簪而獻國刊本奉訛春據賈誼新書改 又十八年補逸楚文王好服獬冠刊本文訛莊服獬訛作解字並據淮南子改 又攷證楚相孫君諱饒字叔敖本是縣人刊本缺是字據古文苑孫叔敖碑補

卷二十七

晉景楚共爭霸條成公十六年補逸子反辭以心疾其

王駕而往視之刊本往視之訛作自往二字據韓非子改

卷三十一

晉卿族廢與條發明賈季奔狄而狐氏廢刊本賈季二互倒又狐訛狄今改 又閔公元年攷證晉獻公之十六年伐霍魏耿而趙夙為將刊本脫伐霍魏三字又脫而字並據史記增 又成公八年補逸乃二人謀取他人嬰兒負之衣以文葆刊本脫衣字 又昔下宮之難屠岸賈為之刊本之訛人並據史記增改

又定公十三年補逸譬之其猶薳草者也刊本脫其字據新序增又十四年補逸吏曰此三軍之事也刊本事訛士據說苑改

卷三十三

晉失諸侯條襄公三十年史趙曰亥有二首六身刊本史趙二字互倒據注疏本改又昭公八年補逸平公曰客于爲樂刊本子爲訛之無據說苑改

卷三十七

衛懿公亡國條閔公二年補逸與百姓同勞苦以收衛

民刊本收訛救據史記改

卷三十九

衛孫甯廢立條襄公二十七年補逸子苟納我我請與子盟刊本請訛欲據公羊傳改又酒酣而送之以璧顧反過而弗辭刊本過訛顧據呂氏春秋改

卷四十四

子產相鄭條襄公十九年鄭子孔之爲政也專國人患之刊本脫專字又二十二年鄭游販將如晉未出竟遭逆妻者刊本妻訛姜又三十一年車馬有所賓

從有代刊本代訛待並據注疏本增改 又補逸叔
嚮歸曰鄭有人刊本脫歸字據呂氏春秋增 又昭
公六年火未出而作火以鑄刑器刊本器訛書據注
疏本改

卷四十五

楚伐滅小國條桓公八年補逸成王舉我先公乃以子
男田令居楚刊本王訛公據史記改 又莊公六年
補逸使王子革王子靈共據萊二子出採見老人載
圖乞焉不與刊本萊訛萊又脫乞焉二字 又十四
年補逸此不穀之過保將何罪刊本將訛者並據說
苑增改

卷四十九

楚靈王之亂條昭公四年補逸軍人粲然皆笑刊本軍
下衍中字據穀梁傳刪 又七年補逸翟王之自爲
室也堂高三尺刊本自訛國據新書改

卷四十九

吳通上國條襄公十一年補逸封其後爲二其一虞在
中國刊本在訛仕據史記改

卷五十

闔閭入郢條昭公二十年補逸子胥默然遂行刊本脫
遂字 又適會女子擊綿于瀨水之上刊本擊訛繫
並據吳越春秋增改 又二十七年補逸實倉廩治
兵庫斯則其實也刊本脫其字據吳越春秋增

卷五十一

勾踐滅吳條昭公十四年補逸太子未有定我入則決
矣刊本則訛前 又哀公元年補逸是寡人之不智
也而爲相國快意耶刊本國下衍者字 又十七年
補逸分以丹青錯畫文章刊本以訛爲 又二十二
年補逸公位乎分國共之刊本公訛分 又蠡去時
陰畫六陽畫三日前之神莫能制者刊本脫日字並
據吳越春秋刪改增

卷五十二

秦穆公伯西戎條文公四年補逸上含淳德以遇其下
刊本含訛念據史記改

欽定四庫全書

三

